



**Broj: T18 0 KT 0018873 25**  
**Brčko, 20.02.2026. godine**

### **Optužnica potvrđena dana 27.02.2026. godine**

Na osnovu člana 35. stav (2) tačka h) i člana 226. stav (1) Zakona o krivičnom postupku Brčko distrikta BiH, podižem:

## **OPTUŽNICU**

### **Protiv:**

**A. T.**, rođen.1991. godine u Brčkom,

### **Što je:**

Dana 12.09.2025. godine, oko 21.00 čas, u Brčko distriktu BiH, u naselju Grbavica, na adresi Grbavica bb, ispred porodične kuće E. T., nakon kraće verbalne rasprave i naguravanja više lica, došao do parkiranog putničkog motornog vozila marke „Volkswagen“ model „Passat B5.5 Variant“, bez registarskih oznaka, vlasništvo Š. Z., pa svjestan da upotrebom podesnog predmeta i fizičke snage može načiniti oštećenja na putničkom motornom vozilu, što je i htio, zatvorenim šakama više puta udario u bočna stakla i zadnje vjetrobransko staklo predmetnog vozila, a zatim priručnim nožem, tzv. *čakijom* načinio više uboda na sva četiri pneumatika, usljed čega su na vozilu nastala oštećenja u vidu razbijenog zadnjeg vjetrobranskog stakla, zadnjeg lijevog bočnog stakla prtljažnika i vjetrobranskog stakla prednjih desnih vrata, kao i izbušenih i dekompresovanih svih pneumatika, čime je vlasniku vozila prčinjena šteta u iznosu od 1.486,00 KM,

dakle, oštetio tuđu stvar,

čime je izvršio krivično djelo – Oštećenje tuđe stvari – iz člana 287. stav (1) Krivičnog zakona Brčko distrikta BiH.

\*\*\*

---

**\*\*Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.\*\***

---